



Tenencia
de Alcaldía
Concello de Vigo



Concellería
de Industria
e Comercio
Concello de Vigo

ORDE DE SERVICIO

Atendendo a necesidade da Concellería de Comercio de instrumentación dun expediente para a realización dunhas bases reguladoras e convocatoria específica para fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade, tendo en conta que a devandita subvención ten carácter plurianual.

Vigo a, 14 de setembro de 2009.
O Tenente de Alcalde

Asdo. Santiago Domínguez Olveira

INFORME-PROPOSTA

Dadas as circunstancias actuais da economía, a Concellería de Comercio do Concello de Vigo, consciente da importancia que para o desenvolvemento económico e o emprego teñen o pequeno e mediano comercio da cidade, pon en marcha unha convocatoria específica para “fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade”.

Esta convocatoria supón unha decidida aposta en favor do pequeno e mediano comercio, ademais de poder axudar á formación dos empregados, e de compensar os danos que se puideron ocasionar con motivo das obras na cidade.

A crise non afecta a todos por igual. O pequeno e mediano comercio de Vigo atópase nunha situación preocupante, debido entre outros a diminución do gasto das familias, a falta de ingresos e o parón do consumo. Facendo ademais que xa comece a baixar o número de empregados contratados nestes comercios.

A devandita convocatoria tratase dun proxecto innovador co obxectivo de dinamización social e económica que pretende axudar ao pequeno e mediano comercio de Vigo que teñen visto reducidos os seus ingresos de forma radical debido á actual crise económica.

Por todo isto a Concellería de Comercio realiza unha convocatoria específica ao obxecto de incentivar o mantemento de emprego no pequeno e mediano comercio de Vigo, no marco xurídico definido da Lei 9/2007, do 13 de xuño, de subvencións de Galicia, os preceptos básicos da lei 38/2003, do 17 de novembro, xeral de subvencións, así como o Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de subvencións.

Por todo o antedito solicítase, previo informe xurídico e outros informes perceptivos, a aprobación da Xunta de Goberno Local:

1.- Aprobar as bases reguladoras e convocatoria específica para fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade, tendo en conta que a devandita subvención ten carácter plurianual.

2.- Autorizar ó fin pretendido o gasto total de 600.000 euros con cargo á partida orzamentaria 6220.4700000 “subvencións o pequeno comercio” e o gasto de 600.000 euros correspondente ó orzamento para o ano 2010, subordinado este á existencia de crédito axeitado e suficiente nos referidos orzamentos do ano 2010.

Vigo, 1 de outubro de 2009
A Xefa do servizo de
Comercio e Turismo

Asdo.: María Pilar Díaz de Bustamante

CONFORME
O Tenente de Alcalde

Asdo.: Santiago Domínguez Olveira

BASES REGULADORAS E CONVOCATORIA ESPECÍFICA PARA FOMENTAR E COADJUVAR AO MANTENIMENTO DE EMPREGO NO PEQUENO E MEDIANO COMERCIO DE VIGO E A FORMACIÓN DOS SEUS TRABALLADORES/AS, NUNHA SITUACIÓN DE CRISE ECONÓMICA E DE ESPECIAL AFECCIÓN NAS VENTAS E CONSUMO OCASIONADA CON MOTIVO DAS OBRAS NA CIDADE

EXPOSICIÓN DE MOTIVOS

Dadas as circunstancias actuais da economía, a Concellería de Comercio do Concello de Vigo, consciente da importancia que para o desenvolvemento económico e o emprego teñen o pequeno e mediano comercio da cidade, pon en marcha unha convocatoria específica para “fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade”.

Esta convocatoria supón unha decidida aposta en favor do pequeno e mediano comercio, ademais de poder axudar á formación dos empregados, e de compensar os danos que se puideron ocasionar con motivo das obras na cidade.

A crise non afecta a todos por igual. O pequeno e mediano comercio de Vigo atópase nunha situación preocupante, debido entre outros a diminución do gasto das familias, a falta de ingresos e o parón do consumo. Facendo ademais que xa comece a baixar o número de empregados contratados nestes comercios.

A devandita convocatoria tratase dun proxecto innovador co obxectivo de dinamización social e económica que pretende axudar ao pequeno e mediano comercio de Vigo que teñen visto reducidos os seus ingresos de forma radical debido á actual crise económica, así como pola diminución das vendas producidas polas numerosos obras que se levan executando na cidade de Vigo o longo do ano 2009 cunha incidencia moi importante na circulación viaria.

Por todo isto a Concellería de Comercio realiza unha convocatoria específica ao obxecto de incentivar o mantemento de emprego no pequeno e mediano comercio de Vigo, no marco xurídico definido da Lei 9/2007, do 13 de xuño, de subvencións de Galicia, os preceptos básicos da lei 38/2003, do 17 de novembro, xeral de subvencións, así como o Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de subvencións.

PRIMEIRA.- Situación determinada que é obxecto da subvención

É obxecto das presentes bases e convocatoria fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade.

Estas axudas outorgaranse de acordo aos principios de publicidade, concorrencia e obxectividade.

SEGUNDA.- Contía total, individual e crédito orzamentario

A contía da presente convocatoria ascende a un total de 1.200.000 €, os cales serán financiados cos seguintes criterios:

ANO 2009: partida orzamentaria 6220.4700000 “Subvención o pequeno comercio” → 600.000 euros

ANO 2010: partida orzamentaria 6220.4700000 “Subvención o pequeno comercio” → 600.000 euros

Criterios de aplicación dos créditos desta convocatoria:

ANO 2009: ata un máximo de 2.800 euros por beneficiario durante o ano 2009.

ANO 2010: ata un máximo de 2.800 euros por beneficiario durante o ano 2010.

TERCEIRA.- Compatibilidade da subvención

As axudas municipais para fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade, son compatibles con calquera outra axuda para a mesma finalidade de organismos públicos ou privados.

O/a beneficiario/a deberá comunicar ó Concello de Vigo a obtención doutras subvencións, axudas, ingresos ou recursos que financien a situación subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

CUARTA.- Requisitos dos beneficiarios

Serán requisitos necesarios do pequeno e mediano comercio para solicitar as axudas:

- 1.- Os solicitantes das axudas deberán ser establecementos comerciais debidamente constituídos que desenvolvan a súa actividade comercial no Concello de Vigo, así mesmo, o seu domicilio social e fiscal radique en dito Concello.
- 2.- Que o establecemento teña actividade comercial no momento de solicitar a subvención.
- 3.- Ter presentado a solicitude e documentación durante os prazos estipulados.
- 4.- Que, tendo a condición de PEME conforme os requisitos establecidos pola Comisión Europea na súa Recomendación 2003/361/CE, do 6 de maio de 2003 (DOUE 124, do 20 de maio, p.36), empreguen menos de dez (10) traballadores e non teñan a consideración de grandes establecementos comerciais segundo a normativa aplicable.
- 5.- Os solicitantes deberán reunir os requisitos establecidos no artigo 10 da Lei 9/2007 do 13 de xuño, de subvencións de Galicia, e non estar incurso en prohibicións para ser beneficiario da subvención das previstas no dito artigo para o que se esixirá aos solicitantes unha declaración de non estar incurso nas prohibicións que recollen os apartados 2 e 3 do citado artigo 10.
- 6.- Os solicitantes deberán estra ó corrente das súas obrigas tributarias fronte a Axencia Estatal da Administración Tributaria, Delegación de Facenda da Comunidade Autónoma de Galicia, Tesourería Territorial da Seguridade Social e o Concello de Vigo para o cal se lles esixirá unha declaración de cumprimento de obrigas tributaria, segundo o Art. 24.4 do RD 887/2006 do 21 de xullo.

QUINTA.- Obrigas dos beneficiarios

Serán obrigas dos beneficiarios das subvencións as previstas nestas bases e convocatoria e as sinaladas no artigo 11 da Lei de subvencións de Galicia.

SEXTA.- Prazo de presentación das solicitudes

O prazo de presentación de solicitudes para esta convocatoria realizarase en dúas fases:

1ª fase da convocatoria: para os beneficiarios de ata 2.800 euros no ano 2009.
Vinte (20) días naturais a contar dende o día seguinte a publicación destas bases no BOP.

2ª fase da convocatoria: para os beneficiarios de ata 2.800 euros no ano 2010.
Do 18 de xaneiro ó 6 de febreiro, ambos inclusive.

Os solicitantes das axudas consideradas nas presente bases presentarán as súas solicitudes a través do Rexistro Xeral Municipal ou por calquera dos procedementos establecidos no artigo 38.4 da Lei 30/1992 do 26 de novembro de réxime xurídico das administracións públicas e do procedemento administrativo común na súa redacción dada pola Lei 4/1999 do 13 de xaneiro.

SÉTIMA.- Criterios de valoración

1ª fase da convocatoria: se referirá o período comprendido entre o 1 de xaneiro e o 30 de agosto de 2009.

2ª fase da convocatoria: se referirá o período comprendido entre o 1 de setembro e o 31 de decembro de 2009.

Tendo en conta que a presente convocatoria ten por obxecto fomentar e coadxuvar ao mantemento de emprego no pequeno e mediano comercio de Vigo e a formación dos seus traballadores/as, nunha situación de crise económica e de especial afección nas vendas e consumo ocasionada con motivo das obras na cidade, establécense os seguintes criterios de valoración:

a) Mantemento do emprego: ata un máximo de 40 puntos.

Para a valoración deste criterio se terá en conta o número de traballadores/as que ten cada establecemento, tendo en conta que o tipo de contrato terá que ser fixo ou fixo discontinuo, así como a contratación de traballadores/as con algunha discapacidade.

b) Incidencia na diminución das vendas no sector comercial da cidade de Vigo con motivo da execución das obras, ata un máximo de 40 puntos.

Este criterio pretende avaliar a incidencia dos procesos de execución das obras no desenvolvemento da actividade comercial en función das rúas afectadas de forma directa polas obras e de forma indirecta, o tempo de duración das obras e os accesos restrinxidos nas rúas afectadas, para o cal se terá en conta a superficie do establecemento comercial.

c) Procesos de formación do emprego, ata un máximo de 20 puntos.

Este criterio pretende avaliar os procesos de formación dos traballadores e traballadoras en aspectos específicos vinculados directamente coa actividade comercial do establecemento, para o cal terase en conta a asistencia a cursos de formación dos traballadores/as de cada establecemento a cursos de formación maiores de 20 horas, así como a organización de actividades de formación por parte dos establecementos comerciais de maneira individual ou conxunta.

Atendendo a especificidade dos apartados anteriores e a variedade e casuística do sector comercial, a comisión avaliadora establecerá de maneira previa ao reparto os criterios de ponderación para a súa aplicación en cada un dos apartados anteriores. A cantidade máxima da subvención por entidade estableceuse en 2.800,00 €. A cantidade a percibir por cada beneficiario será proporcional á puntuación obtida.

OITAVA.- Procedemento de concesión das subvencións

O procedemento para a concesión destas subvencións será o de concorrencia competitiva que se iniciará de oficio tras a aprobación das presentes bases e convocatoria pola Xunta de Goberno Local.

NOVENA.- Documentación

Documentación:

Relación da documentación que se aporta, que será a que se detalla de seguido:

- Fotocopia do DNI do representante da PYME.
- Fotocopia da acta de elección do solicitante como representante legal ou do outorgamento de poderes ante notario.
- Fotocopia do CIF da entidade solicitante.
- Certificación bancaria do establecemento comercial.
- Copia da licenza de apertura do establecemento.
- Copia dos TC2 dos traballadores do establecemento correspondentes os meses do período polo que se solicita a subvención, 1ª ou 2ª fase da convocatoria.
- Copia compulsada do título do curso onde se faga constar a denominación do mesmo, ás horas e a entidade que o emite.

- Declaración de non estar incursos nas prohibicións que recollen os apartados 2 e 3 do artigo 10 da Lei 9/2007 de 13 de xuño, de subvencións de Galicia (anexo I).
- Certificacións do cumprimento das obrigas tributarias fronte a Axencia Estatal da Administración Tributaria, Delegación de Facenda da Comunidade Autónoma de Galicia, Tesourería Territorial da Seguridade Social e o Concello de Vigo, segundo o Art. 24.4 do RD 887/2006 do 21 de xullo.
- Declaración responsable, firmada polo representante legal onde se especifiquen outros fondos recibidos ou solicitados para o mesmo proxecto presentado. (anexo I)
- Declaración responsable na que se indique o número de traballadores/ mes para a fase na que foi solicitada a subvención. (anexo II)
- Declaración responsable na que se indique o número de metros cadrados de atención ó público do establecemento así como a súa localización exacta no inmovible onde está ubicado (planta baixa, 1º andar, subsolo, etc.) (anexo III)

DÉCIMA.- Subsanación da solicitude

A instrución do procedemento de concesión das axudas convocadas, correspóndelle a Concellería de Comercio, que recibirá as solicitudes e comprobará os requisitos esixibles e a documentación acreditativa, e si fora o caso, requirirá para subsanación da solicitude ou documentación perceptiva de acordo co establecido no art. 71.1 da Lei de réxime xurídico das administracións públicas, para que no prazo de 10 días hábiles, emende a falta ou acompañe os documentos requiridos, informárselle de que, de non o facer, teráselle por desistido da súa petición, tras a resolución que deberá ser ditada nos termos do artigo 42 da Lei 30/1992, modificada pola Lei 4/1999.

DÉCIMA PRIMEIRA.- Publicidade

Publicidade das bases reguladoras e convocatoria específica da concesión das axudas.

A publicación das presentes bases reguladoras e convocatoria específica realizarase no taboleiro de anuncios do Concello e na páxina de internet www.vigo.org, anunciarase, igualmente, no *Boletín Oficial da Provincia*, así como o prazo de presentación de solicitudes, que será reiterado por medio de anuncios nos medios de comunicación.

Publicidade das subvencións concedidas-denegadas.

As axudas que se concedan a través desta convocatoria, publicaranse no taboleiro de anuncios do Concello, con expresión do establecemento comercial, expediente, finalidade da subvención e a resolución recaída (concedida-denegada).

DÉCIMA SEGUNDA.- Órganos competentes para a instrución e resolución do procedemento e prazo para a notificación da resolución

A Concellería de Comercio será a encargada da instrución do procedemento de concesión das subvencións. Recibirá as solicitudes e comprobará os requisitos esixibles e a documentación acreditativa, e si fora o caso, requirirá para subsanación da solicitude ou documentación perceptiva de acordo co establecido no art. 71.1 da Lei de réxime xurídico das administracións públicas, para que no prazo de 10 días hábiles, emende a falta ou acompañe os documentos requiridos, informaráselle de que, de non o facer, teráselle por desistido da súa petición, tras a resolución que deberá ser ditada nos termos do artigo 42 da Lei 30/1992, modificada pola Lei 4/1999.

O/a instrutor/a do procedemento avaliará as solicitudes de conformidade cos criterios e valoración que se determinan na base sétima, e fará constar expresamente que da información que obra no seu poder, se desprende que os beneficiarios cumpren todos os requisitos necesarios para acceder ás subvencións.

Rematada a instrución do expediente, este remitiráselle á Comisión de Valoración.

A Comisión de Valoración quedará integrada polo Concelleiro de Comercio, que actuará de presidente, a Xefa do Servizo de Comercio, a Xefa do Gabinete de Tenencia de Alcaldía, o Vocal do Tribunal Económico-Administrativo. Este órgano colexiado emitirá informe no que se concrete o resultado da avaliación.

A proposta de resolución conterá a relación na que se indicará todos os solicitantes que participan na convocatoria, PYME, puntuación, expediente e resolución das axudas, co seu estado de concedido, denegado ou lista de espera.

1.- Concedidas.- Reseñarase a subvención individual de cada beneficiario, tendo en conta que o importe total das mesmas no poden superar o crédito consignado.

2.- Denegadas.- Farase constar algúns dos seguintes motivos :

- A solicitude foi presentada fóra de prazo.
- Non aportan a documentación requirida.

- Incumprir algún dos criterios da base oitava.
- En función da existencia dun número moi elevado de solicitudes, aquelas que de maneira proporcional teñan unha menor puntuación co fin de obter unha aplicación operativa do obxecto desta convocatoria. Na segunda fase, este criterio poderá ser ampliado pola Comisión de Valoración, en primeira opción, a aquelas solicitudes de establecementos comerciais beneficiarios da primeira fase. Este apartado deberá ser xustificado pola comisión avaliadora.

A *Xunta de Goberno Local*, a proposta do/a instrutor/a do procedemento, previo informe da Comisión de Valoración, acordará a aprobación definitiva das subvencións con cargo os créditos especificados na cláusula terceira para os anos 2009 e 2010.

A Xunta de Goberno Local será o órgano competente para conceder ou denegar as axudas. O prazo para a instrución e resolución do expediente será de tres meses, como máximo, desde o último día de prazo de presentación das solicitudes no Rexistro Xeral do Concello e a súa resolución notificarase ós solicitantes no prazo de dez días a partir da súa data, de acordo co previsto no artigo 58 da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

A resolución da Xunta de Goberno Local, sobre concesión das axudas, esgota a vía administrativa e contra a mesma poderá interpoñerse recurso de reposición ante a Xunta de Goberno Local no prazo dun mes a contar do día seguinte ó da súa notificación, ou ben directamente recurso contencioso-administrativo ante o Xulgado do Contencioso-Administrativo de Vigo, no prazo de dous meses desde o seguinte ó da notificación, de acordo co artigo 116 da Lei 30/1992, de 26 de novembro e 8.1 e 46 da Lei Reguladora da Xurisdición Contencioso-Administrativa.

Transcorrido o devandito prazo de tres meses sen que a Xunta de Goberno Local dite resolución expresa, entenderase que é desestimada a petición da axuda. Esta desestimación presunta poderá ser recorrida en reposición no prazo de tres meses máis. Transcorrido este último prazo unicamente poderá interpoñerse recurso contencioso-administrativo ante o Xulgado do Contencioso-Administrativo de Vigo, sen prexuízo, da procedencia do recurso extraordinario de revisión.

DÉCIMA TERCEIRA.- Xustificación, comprobación e pagamento da subvención

Xustificación.-

Tendo en consideración que a subvención concédese en atención a unha “determinada situación” non se requirirá outra xustificación que a acreditación

da referida situación, que xa foi acreditada ante a Comisión de Valoración para propoñer a concesión da subvención.

Comprobación.-

A realización da actividade subvencionada e o cumprimento da finalidade que determinou a concesión da subvención será comprobada pola Comisión de Valoración.

A Comisión de Valoración emitirá un informe facendo constar a comprobación da situación determinada que motiva a subvención. A estes efectos a Comisión poderá requirir dos beneficiarios calquera outra documentación complementaria que non conste no expediente.

Pagamento.-

As axudas concédense ás PYMES. Contra a entrega do importe da axuda, o beneficiario firmará a recepción e aportará fotocopia do DNI por ámbalas dúas caras, ou documento de identidade suficiente.

Para a execución dos pagos tramitarase ante a Xunta de Goberno Local, paralelamente a aprobación das contías e beneficiarios, o pago a través dunha conta habilitada segundo os procedementos establecidos no Concello.

No momento de efectuar o pagamento da subvención os beneficiarios deberán achegar:

- a) O/a beneficiario/a deberá aportar para a xustificación da subvención a declaración de cumprimento de obrigas tributarias fronte a Axencia Estatal da Administración Tributaria, Delegación de Facenda da Comunidade Autónoma de Galicia, Tesourería Territorial da Seguridade Social e o Concello de Vigo, segundo o Art. 24.4 do RD 887/2006 do 21 de xullo (anexo IV).
- b) Relación detallada doutros ingresos ou subvencións que financien a actividade subvencionada con indicación do importe e a súa procedencia (anexo I).

DÉCIMA CUARTA.- Obriga de información

Os/as beneficiarios/as deberán facilitar toda a información que lle sexa requirida pola Concellería de Comercio e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

DÉCIMA QUINTA.- Perda do dereito ao cobro, nulidade e reintegro das subvencións. Réxime de infraccións e sancións.

Perdida do dereito ao cobro:

Dará lugar á perda do dereito ao cobro da subvención o incumprimento por parte do/a beneficiario/a da subvención de calquera das obrigas previstas nestas bases reguladoras e convocatoria; o incumprimento dos requisitos, condicións e demais circunstancias que determinaron o outorgamento da subvención; a variación da finalidade da actuación; a falta de xustificación da subvención ou a insuficiencia desta; á obtención concorrente doutras axudas, que determinarían o reintegro da municipal e a concorrencia dalgunha das causas previstas no artigo 33 da Lei de subvencións de Galicia.

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade a xustificación da aplicación dada aos fondos recibidos.

Nulidade, reintegro, infraccións e sancións:

Canto ás causas de nulidade e anulabilidade do acordo de concesión das axudas e de reintegro das mesmas estarase ao disposto no artigos 32 e 33 da Lei 9/2007, de 13 de xuño, de subvencións de Galicia.

Procederá o reintegro das cantidades percibidas, coa conseguinte esixencia de xuros de demora desde o pagamento da subvención ata a data na que se acorde a procedencia do reintegro, nos casos do artigo 33 LSG.

Canto ás infraccións e sancións en que poidan incurrir os beneficiarios destas axudas e procedemento para a súa imposición estarase ao disposto no IV da Lei 9/2007, de 13 de xuño, de subvencións de Galicia e no RD 1398/1993, de 4 de agosto, polo que se aprobou o Regulamento do Procedemento para o exercicio da potestade sancionadora.

DÉCIMA SEXTA.- Tratamento de datos de carácter persoal

Os datos dos/das solicitantes serán incorporados aos ficheiros municipais. A finalidade da súa recollida é a instrución do procedemento para a concesión das subvencións obxecto das presentes bases reguladoras e convocatoria, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia en orden á conclusión do proceso subvencionable, polo que a súa achega é obrigatoria.

Os ditos datos serán tratados e protexidos de acordo co previsto na Lei 30/1992, do 26 de novembro de Réxime Xurídico das Administracións Públicas e do Procedemento administrativo Común e na Lei 15/1999, do 13 de decembro, de Protección de Datos de Carácter Persoal, sendo responsable do seu tratamento a Concellería de Comercio do Concello de Vigo.



O/a beneficiario/a poderá exercer os dereitos de acceso, rectificación, cancelación e oposición ante a Concellería de Comercio do Concello de Vigo.

DÉCIMA SÉTIMA.- Normativa de aplicación

A presente convocatoria rexerese pola Lei 9/2007 do 13 de xuño, de subvencións de Galicia; a Lei 38/2003, de 17 de novembro, Xeral de Subvencións e o Real Decreto 887/2006, de 21 de xullo, polo que se aproba o seu regulamento, nos seus preceptos básicos; a lexislación básica do estado en materia de réxime local; os preceptos non básicos da Lei 38/2003 e do Real Decreto 887/2006; as Bases de Execución do Orzamento do Concello de Vigo para o ano 2009, as restantes normas de dereito administrativo e, no seu defecto, as normas de dereito privado.

Vigo, 1 de outubro de 2009
A Xefa do servizo de
Comercio e Turismo

Asdo.: María Pilar Díaz de Bustamante

CONFORME
O Tenente de Alcalde

Asdo.: Santiago Domínguez Olveira



ANEXO I

DECLARACIÓN DE CUMPRIMENTO DE OBRIGAS TRIBUTARIAS E COA SEGURIDADE SOCIAL, DE NON INCURSO EN INCOMPATIBILIDADES, E DOUTRAS SUBVENCIONS SOLICITADAS OU CONCEDIDAS

D./D^a. _____ con D.N.I. núm. _____ en nome e representación da empresa _____ con C.I.F. _____ e domiciliada en _____ - Vigo

DECLARO BAIXO A MIÑA RESPONSABILIDADE

1.- Que a empresa _____ non se atopar inhabilitada nin está incurso en ningunha das circunstancias ás que se refire o artigo 10 da Lei 9/2007, de 13 de xuño, de subvencións de Galicia, e polo tanto, cumpre todos e cada un dos requisitos que a mesma esixe para obter a condición de beneficiario/a.

2.- (Sinalar cunha X o que proceda)

- Que a empresa _____ non ten solicitado outras axudas para a actuación obxecto da solicitude.
- Que a empresa _____ solicitou axudas dos organismos que se mencionan a continuación para a actuación obxecto da solicitude

CONVOCATORIA	ORGANISMO	CODIGO EXPEDIENT E	SOLICITADA/CONCEDIDA/P AGADA	DATA	IMPORTE

4.- Así mesmo, a empresa _____ comprométese a comunicar a Concellería de Industria e Comercio do Concello de Vigo calquera nova solicitude, concesión ou cobramento que se produza con posterioridade á presente declaración, e en todo caso, antes do cobramento da axuda correspondente a esta solicitude.

E para que conste, para os efectos oportunos, asino a presente declaración-compromiso.

Vigo, ____ , de _____ de 200__

BASES REGULADORAS E CONVOCATORIA ESPECÍFICA PARA FOMENTAR E COADJUVAR AO MANTENIMENTO DE EMPREGO NO PEQUENO E MEDIANO COMERCIO DE VIGO E A FORMACIÓN DOS SEUS TRABALLADORES/AS, NUNHA SITUACIÓN DE CRISE ECONÓMICA E DE ESPECIAL AFECCIÓN NAS VENTAS E CONSUMO OCASIONADA CON MOTIVO DAS OBRAS NA CIDADE

ANEXO II

DECLARACIÓN RESPONSABLE DO NÚMERO DE TRABALLADORES/MES DO ESTABLECIMENTO COMERCIAL PARA O QUE SE SOLICITA A SUBVENCIÓN

D./D^a. _____ con D.N.I. núm. _____ en nome e representación da empresa _____ con C.I.F. _____ e domiciliada en _____ - Vigo

DECLARO BAIXO A MIÑA RESPONSABILIDADE

Que o número de traballadores/mes da empresa _____ que figura na seguinte relación concorda cos TC2 presentados para a fase na que se solicitou a subvención (sinalar cunha X o que proceda):

1ª FASE	XANEIRO			FEBREIRO			MARZO			ABRIL			MAIO			XUÑO			XULLO			AGOSTO		
	I	IF/D	D	I	IF/D	D	I	IF/D	D	I	IF/D	D	I	IF/D	D	I	IF/D	D	I	IF/D	D	I	IF/D	D
1																								
2																								
3																								
4																								
5																								
6																								
7																								
8																								
9																								
10																								

2ª FASE	SETEMBRO			OUTUBRO			NOVEMBRO			DECEMBRO		
	I	IF/D	D	I	IF/D	D	I	IF/D	D	I	IF/D	D
1												
2												
3												
4												
5												
6												
7												
8												
9												
10												

I: contrato indefinido
IFD: contrato indefinido fixo-discontinuo
D: discapacitado
1/2: medio mes

E para que conste, para os efectos oportunos, asino a presente declaración-compromiso.

Vigo, ____ , de _____ de 200__

BASES REGULADORAS E CONVOCATORIA ESPECÍFICA PARA FOMENTAR E COADJUVAR AO MANTEMENTO DE EMPREGO NO PEQUENO E MEDIANO COMERCIO DE VIGO E A FORMACIÓN DOS SEUS TRABALLADORES/AS, NUNHA SITUACIÓN DE CRISE ECONÓMICA E DE ESPECIAL AFECCIÓN NAS VENTAS E CONSUMO OCACIONADA CON MOTIVO DAS OBRAS NA CIDADE

ANEXO III

DECLARACIÓN RESPONSABLE DO NÚMERO DE METROS CADRADOS DO ESTABLECEMTO COMERCIAL E DA UBICACIÓN NO INMOBLE

D./D^a. _____ con D.N.I. núm. _____ en nome e representación da empresa _____ con C.I.F. _____ e domiciliada en _____ - Vigo

DECLARO BAIXO A MIÑA RESPONSABILIDADE

1.- Que os metros cadrados do establecemento comercial _____ para o que solicitou a subvención, segundo a licenza de apertura, é de m2

2.- Que o establecemento comercial _____ para o que se solicitou a subvención esta situado dentro do inmoible en (sinalar cunha X o que proceda):

- Soto
- Baixo
- Primeira planta
- Outros

E para que conste, para os efectos oportunos, asino a presente declaración-compromiso.

Vigo, ____ , de _____ de 200__

BASES REGULADORAS E CONVOCATORIA ESPECÍFICA PARA FOMENTAR E COADJUVAR AO MANTEMENTO DE EMPREGO NO PEQUENO E MEDIANO COMERCIO DE VIGO E A FORMACIÓN DOS SEUS TRABALLADORES/AS, NUNHA SITUACIÓN DE CRISE ECONÓMICA E DE ESPECIAL AFECCIÓN NAS VENTAS E CONSUMO OCASIONADA CON MOTIVO DAS OBRAS NA CIDADE

ANEXO IV

DECLARACIÓN DE CUMPRIMENTO DE OBRIGAS TRIBUTARIAS E COA SEGURIDADE SOCIAL E DE NON INCURSO EN INCOMPATIBILIDADES

D./D^a. _____ con D.N.I. núm. _____ en nome e representación da empresa _____ con C.I.F. _____ e domiciliada en _____ - Vigo

DECLARO BAIXO A MIÑA RESPONSABILIDADE

1.- Que a empresa _____ está o corrente no cumprimento das súas obrigas tributarias fronte a: Axencia Estatal da Administración Tributaria, Delegación de Facenda da Comunidade Autónoma de Galicia, Tesourería Territorial da Seguridade Social e Concello de Vigo.

2.- Que a empresa _____ non me atopar inhabilitada nin está incurso en ningunha das circunstancias a que se refire o artigo 10 da Lei 9/2007, de 13 de xuño, de subvencións de Galicia, e polo tanto, cumpre todos e cada un dos requisitos que a mesma esixe para obter a condición de beneficiario/a.

E para que conste, para os efectos oportunos, asino a presente declaración-compromiso.

Vigo, ____ , de _____ de 200__



Tenencia
de Alcaldía
Concello de Vigo



Concellería
de Industria
e Comercio
Concello de Vigo

BASES REGULADORAS E CONVOCATORIA ESPECÍFICA PARA FOMENTAR E COADJUVAR AO MANTEMENTO DE EMPREGO NO PEQUENO E MEDIANO COMERCIO DE VIGO E A FORMACIÓN DOS SEUS TRABALLADORES/AS, NUNHA SITUACIÓN DE CRISE ECONÓMICA E DE ESPECIAL AFECCIÓN NAS VENTAS E CONSUMO OCASIONADA CON MOTIVO DAS OBRAS NA CIDADE